



UNIVERSITÄTS-
BIBLIOTHEK
PADERBORN

Regvlæ Societatis Iesv

Angeli, Bernardo d'

Romæ, 1616

Regulæ Præfecti Ecclesiæ.


[urn:nbn:de:hbz:466:1-68329](https://nbn-resolving.org/urn:nbn:de:hbz:466:1-68329)





REGVLAE


PRÆFECTI

Ecclesiæ.

1  Vret, vt Aedituus Regulas suas obseruet, quas Præfectus ipse apud se etiam habeat. Aeditui Regulas habeat, & seruari faciat.

2  Præbeat illi catalogum singulis diebus sabbathi, quo dies festi, ac ieiuniorum proximæ hebdomadæ contineantur, vt eum in Refectorio recitet in cœna diei Dominicæ sequentis. Catalogus dierum festorum

3  Singulis diebus sabbathi vesperi in Sacristia scripto proponat, quemadmodum quotidie Sacra sint facienda sequenti hebdomada, & quo ordine rem diuinam in Altari summo facturi sint, qui ad hoc fuerint designati. Modus faciendi sacrum assignatus.

4  Detur opera, ne in Altari maximo desit vnquam sacrum quo tempore celebrari solent: habeaturque ratio, ne plura sacra si-

M 3 mul In altari maximo non desit sacrum, nec plura simul inchoentur.

mul inchoentur, sed commode omnia suis spatijs distinguantur.

*P. 6. c. 4. §. 3.
P. 4. c. 1. & p. 7
c. §. 4. 3. & 4.
P. 10. §. 1.*
5 Curam gerat Missarum, & orationum quæ pro defunctis Societatis, & pro Fundatoribus, & Benefactoribus, ac pro ipsa Societate fieri debent, quas ex subiecto catalogo intelliget; & catalogum earum, quæ secundum nostrum institutum, & ex præscripto Generalis ordinariæ faciendæ sunt, referat in duas tabellas, quarum alteram appendat in Sacristia, alteram in alio conuenienti loco; quæ initio cuique mensis publice in Refectorio legetur.

Quæ scribi curabit in scheda.

6 Cum Superior aliquid in sacro Deo commendari, aut sacra ipsa, quæ ab omnibus faciendæ sint, applicari ad finem aliquem iusserit, curet scribi in scheda in Sacristia affigenda.

Quæ cuique significanda curabit.

7 Quæcunque autem ex his non ab omnibus faciendæ erunt, ea Præfectus vnicuique priuatim significanda curabit.

Quæ in libro scribet.

8 Librum habeat, vbi mandata Superiorum de his rebus, si aliquandiu duraturæ, aut non statim faciendæ sint, scribantur, ne memoria excidant; & cum fuerint adimpleta, deleantur.

*P. 4. c. 1. §. 3.
Candela Fundatori danda.*

9 In Collegijs, & Domibus probationum curet iuxta ordinem Superioris de candela danda Fundatoribus iuxta Constitutiones.

10 Si quando externi Sacra aliqua fieri postulauerint, se Superiorem consulturum respondeat; nisi eius animum perspectum iam habeat.

Quid cum sacra fieri externi postulant.

11 Externos Sacerdotes ad faciendum sacrum in nostro templo, non sine delectu admittat; sed eos tantum, qui ædificationi sint, præsertim notos, idque iuxta ordinem Superioris: & intelligat an à suo Ordinario legitimam habeant facultatem.

Externos ad Sacrum vt admittet.

12 Videat an Sacerdotes Regulas suas obseruent, & num barbam, & coronam decenter tonsam habeant.

Qui d circa Sacerdotes obseruabit.

P.4. c.5. §.2.

13 Per se, vel alium à Superiore designatum, promouendos ad Sacerdotium instrui curet: & videat vt ad Romanæ Ecclesiæ ritum tam ij, quam omnes Sacerdotes se accommodent, & ne confessiones audiant, nisi sint legitime approbati.

P.7. c.4. §.5.

Promouendi ad Sacerdotiũ

a In ex. c.1. §.

3. & p.6. c.2.

§.7. & p.10. §.

5.

14^a Animaduertat, ne vllæ pro sacris faciendis, aut confessionibus audiendis eleemosynæ admittantur.

Eleem. pro ministerijs nullæ

15 Nulla sit in Ecclesia arcula, in quam eleemosynæ conijciantur, siue pro nobis, siue pro alijs.

P:6. c.2. §.8.

& can. 23. cõg.

2.

16 Det operam, vt sanctissimum Domini Nostri Corpus decenter in custodia conseruetur, diligenter cauens, ne vmquam in ea Sacramentum desit, habita communicantium ratione; & vt saltem decimoquinto

De sanctissimo Euchari-

stia Sacramen-

to.

- quoque die innouetur, & sacris absolutis in
tabernaculo clauis obseretur.
- Nostri separa-
tim ab exter-
nis communi-
cent.* 17 Quando nostri in templo communi-
cauerint, curet Præfectus, vt id faciant sepa-
ratim ab externis.
- Oleum san-
ctum & reli-
quias vt asser-
uentur.* 18 Oleum Sanctum, vt oportet, asser-
uatum singulis annis renouet, & Sanctorum
reliquias (quæ quidem mobiles fuerint) in
tabernaculo ad id deputato decenter custo-
diat: si quando autem deuotionis causa
ostendendæ erunt, duo cerei accendantur;
atque huius tabernaculi clauem vnam ipse
habeat, & alteram diuersam Præpositus, aut
Rector.
- Necessaria ad
diuinum cul-
tum non de-
sint.* 19 Cruces, Calices, ornamenta, & re-
liqua id genus, vt par est custodiantur; nec
desint velamina ad cooperiendos calices, &
alia ad diuinum cultum, & ornatum necessa-
ria.
- Quando orna-
menta altariū
mutanda.* 20 Mutari faciat Altarium, & Sacerdo-
tum ornamenta, quod ad colorem attinet,
habita temporum, & Festorum ratione, iux-
ta ritum Romanæ Ecclesiæ.
- Sine facultate
nil petat ab
externis ad or-
nandum tem-
plum.* 21 Cum templum ornandum fuerit, ni-
hil sine facultate Superioris ad eam rem com-
modo ab externis petat: detque operam,
vt quod acceptum fuerit, accurate custo-
diatur, & dominis quam primum reddatur.
- Illius instaura-
tio.* 22 Si templum instauratione, aliqua in
parte indiguerit, aut alijs ad diuinum cul-
tum

tum necessarijs, provideat, sicut ipsi à Superiore fuerit præscriptum.

23 Superiori in memoriam redigat, ut aliquos designet, qui de concionibus, & modo concionandi iudicare possint; quorum saltem vnus concioni intersit, ut Concionatorem, cum opus fuerit, & Superiori videbitur, admonere possit.

P. 4. c. 8. lit. C.
Curet designari qui de concionibus iudicent.

24 Conciones, & lectiones templi horæ spatium superare non debent: eo vero ordine Missæ dicantur, ne impediunt, quominus conciones tempore præfixo inchoentur.

Concio horæ non excedat.

25 Aduertat ne viri in templo mulierum locum occupent; neue ex aduerso earum, quantum fieri poterit, maneant.

Mulierum locus in Templo separatus.

26 Curet ne domi desint Confessarij, qui necessarij in templo nostro sunt, & ut confessiones vespere decenti hora absoluantur.

Confessarij non desint.

27 Pridie Palmarum Confessarios ad-moneat, ut Constitutionem illam obseruent, quæ ad externos ad suas Parochias dimittendos Eucharistiæ sumendæ gratia pertinet, & ante id tempus, si consuetudo regionis id postulauerit.

P. 7. c. 4. §. 5. & lit. D.
De communionem in Parochia.

28 Officia Hebdomadæ Sanctæ, & vespere (si hæ dicentur) fiant tono simplici more Societatis sine cantu etiam firmo, nisi vbi Generalis Præpositus dispensauerit: id autem

Officia, & vespere in hebdomada sancta.

P. 6. c. 3. lit. B.
& cau. 9. cõg. 3.

- tem quod de vesperis dictum est, de Benedictione candelarum, & ramorum intelligatur.
- De pecuniis pro eccl. petenda. 29 Cum aliquid petendum erit pro Ecclesia, aut vsu Sacristiæ, intelligat in ea re Superioris voluntatem, eamque exequatur, cumque pecuniæ alicuius momenti summa dabitur, aut colligetur, eam deponat apud Procuratorem in scrinio aliquo, cuius clauem vnã Superior habeat, & alteram diuersam ipse Præfectus.
- Librum habeat dati, & accepti. 30 Librum habeat, in quo eleemosynarum, quæ Ecclesiæ vsibus dantur, & expensarum rationes constent.
- Mundities in omnibus. 31 Panni omnes linei semper mundi feruentur, & separatim corporalia, atque etiam purificatoria (quæ quatuor cruces in angulis habeant) lauentur; & vtrorumque ablutio, & cineres eorum, quæ vetustate consumpta comburuntur, in sacram piscinam mittantur.
- Catalogi rerum Ecclesiæ. 32 Catalogum vnũ rerum omnium Ecclesiæ mobilium, quæ alicuius momenti sunt, custodiat. in altero vero illa scribantur, quæ aut noua sibi traduntur, cum die, anno, &c. aut vetustate consumuntur, vt possit cum exigetur, prioris catalogi rationem reddere: sæpe etiam res pretiosiores inspiciet, ne aut lædantur, aut amittantur, arcis in quibus seruantur, & Sacristiæ ianuis bene clausis, & munitis.

33 Cum

33 Cum nostrorum aliquis extremum diem obierit, spatio diei naturalis decenter teneatur, nisi ratione mali odoris, aut ex alia iusta causa, anteuerti hoc tempus Superiori posse videretur.

P.6.c.4.lit.B.
Quæ in defunctis seruanda.

34 Obseruetur circa vestitum Sacerdotum mortuorum, quod de viuentibus dicitur in Constitutionibus, vt scilicet vtamur eo modo, quo Sacerdotes honesti eius regionis, in qua versamur, vti solent: fratres vero qui Sacerdotes non sunt, sepeliantur eo modo induti, quo alij Clerici honesti, qui Sacerdotes non sunt, sepeliri solent.

Can.27. Cōgreg 1.
Quo vestitu nostri sepeliendi.

35 Curam suscipiet sepulchri, candelarum, & precum, quæ consueto more dicuntur, rerumque ceterarum, quæ ad eam rem erunt necessariae.

P.6.c.4. §.3.
& Can. 27.
Cong. 1.
Funeri necessaria curabit.

